

Cov Cov Kev Kawm Txuas Ntxiv Rau Lub Xyoo (ESY) yog dab tsi?

Cov kev pab ESY yog kev pab qhia ntawv tshwj xeeb thiab cov kev pab rau cov neeg kawm ntawv tsim nyog uas muaj lub Tswv Yim Pab Qhia Ntawv Rau Tib Leeg (Individual Education Plan) (IEP) rau cov sij hawm so tsis kawm ntawv. Cov kev pab ESY txawv tus neeg kawm ntawv lub tswv yim IEP qhov hais tias nws yog tsim los pab tus neeg kawm ntawv TSWJ kom tau nws cov txuj ci kawm rau ib lub sij hawm. Cov kev pab ESY tsis yog tsim los pab tus neeg kawm ntawv kom txawj ntxiv. Pab neeg npaj lub tswv yim IEP yuav txiav txim cov kev pab ESY thiab yuav muab cov kev pab dawb tsis raug nqi dab tsi rau cov niam txiv.

Tus neeg kawm ntawv yuav ua li cas thiaj tsim nyog tau cov kev pab ESY?

Kev Poob Qab/Sij Hawm Rov Zoo Li Qub—Qhov no txhais tau tias tus neeg yuav kawm ntawv poob qab los yog poob kev txawj tse. Txoj kev poob qab yog muaj feem xyuam nrog lub tswv yim IEP lub hom phiaj thiab nws yuav tsum siv sij hawm ntev tshaj lub caij so thiaj li yuav rov kawm tau yam txuj ci los yog yam kev txawj ntse. Lub sij hawm uas siv los kawm kom rov zoo li qub yog hu ua recoupment.

Kev Pab Tau Tus Kheej—Tus neeg kawm ntawv yuav kawm tsis tau kom pab tau tus kheej rau ib yam los yog ntau yam raws li lub tswv yim IEP cov hom phiaj thaum tau cov kev pab rau lub caij so. Tej cov txuj ci yuav tau kawm kom pab tau tus kheej yog tso zis tso quav, noj haus, tswj yam ntxwv (xws li kuj pwm), tsim kev sib raug zoo kom ruaj (xws li kev phooj ywg/kev sib txuas lus), thiab kev peev xwm kawm tau siv tau.

Cov Kev Ncuu Tshwj Xeeb—Pab neeg tuav lub tswv yim IEP txiav txim tias tus neeg kawm ntawv muaj kev ncuu tshwj xeeb tsim nyog tau cov kev pab ESY kom lawv tau cov kev qhia ntawv tsim nyog thiab qhia dawb.

Pab Neeg Tuav lub Tswv Yim IEP txiav txim li cas?

Yuav teev ntaub ntawv kom paub tus neeg kawm ntawv lub peev xwm ua ntej thiab tom qab lub caij so rau cov caij so thaum ntuj no thiab ntuj tshiab los yog lub caij ntuj so tsaib no. Yog tus neeg kawm ntawv poob qab rau lub sij hawm so los yog muaj teeb meem rov raws cuag qib li qub rau ib lub sij hawm twg ces yuav tsum tsim nyog muaj cov kev pab ESY.

Pab neeg tuav lub tswv yim IEP yuav tsum xyuas seb lub caij so tsis kawm ntawv muaj teeb meem dab tsi rau tus neeg kawm ntawv txoj kev pab tau nws tus kheej thiab kev ua nws lub neej nws kheej raws raws li nws lub peev xwm thiab nws txoj kev tsis taus npaum li cas, xyuas tus neeg kawm ntawv tus yam ntxwv thiab txoj kev sib raug zoo nrog nws cov phooj ywg, nrog rau cov kev ncuu thiab txuj ci ntawm tus neeg kawm ntawv.

Lub cheeb tsam tsev kawm ntawv puas yog txwv tsuas kheev muaj cov kev pab ESY ua “Qhia Ntawv Yav Caij Ntuj So” xwb?

Cov kev pab ESY tsis yog “Qhia Ntawv Yav Caij Ntuj So”. Pab neeg tuav lub tswv yim IEP yog cov txiav txim txog cov hom phiaj, sij hawm qhia ntawv ntau npaum li cas, qhov chaw kawm teeb zoo li cas, thiab tej yam li ntawd rau IB TUG NEEG ZUS raws li cov neeg kawm ntawv cov kev ncuu. Piv txwv, tej zaum yuav qhia tau hauv tsev thiab qhia kom tag nrho lub sij hawm so ntawd, tsis yog qhia plaub los yog rau lub lim piam thaum “Qhia Ntawv Caij Ntuj So” xwb. Cov kev pab tsis yog qhia thaum muaj neeg khoom thaum lub sij hawm so thiab tsis yog txwv qhia tej yam xwb, tiam sis yuav tsum qhia txhua thiab muaj txhua yam kev pab uas pab neeg pom tias tsim nyog pab nrog tswj tus neeg kawm ntawv qib kawm kom txhob poob qab.

Thaum twg pab neeg tuav tswv yim thiaj pom tias kuv tus me nyuam tsim nyog tau cov kev pab ESY?

Yuav tsum txiav txim txog cov kev pab ESY kom ntxov li ntxov tau thaum xyoo kawm ntawv yuav pib. Yog pab neeg tuav tswv yim txiav txim tsis tau thaum lub rooj sib tham txog lub tswv yim IEP, yuav tsum teev kom muaj nyob rau hauv lub tswv yim IEP tias yuav txiav txim txog cov kev pab ESY yav tom ntej hauv lub xyoo kawm ntawv. Pab neeg tuav tswv yim yuav tsum tsis txhob hais tias “Tsis Muaj” cov kev pab ESY yog tsis tau pom ntaub ntawv ntsuas thiab/los yog sib tham txog txhua txhia yam los ntawm sawv daws. Yog lig kawg nkaus los yuav tsum sib tham txog cov kev pab ESY thaum lub Peb Hlis Ntuj pib kom tau kev pab rau lub sij hawm so tsis kawm ntawv thaum lub caij ntuj sov tom ntej no.

Puas yog tsuas muaj cov kev pab ESY rau cov sij hawm so tsis kawm ntawv yav caij ntuj sov xwb?

Tsis yog. Tsis yog rau txhua cov sij hawm so tsis kawm ntawv tib si.

Xav paub ntxiv los yog kev pab tawm tsam tswv yim, hu rau Arc Hauv Ob Lub Nroog Ntxaib ntawm 952-920-0855 los yog txuas mus xyuas www.arcgreatertwincities.org.